

## **Oqaluuserisassanut nassuiaat.**

(Inatsisartut Siulittaasuat)

Inatsisartunut ilaasortaq Mimi Karlsen Inatsisartunit sulinngif-feqartarneq peqanngikkallartarnerlu pillugit Inatsisartut malit-tarisassaanni § 5, imm. 1 naapertorlugu nalunaarpoq ulluni tul-liuttuni 14-ini napparsimanini pissutigalugu takkussinnaanani. Piffissamut pineqartumut taasisarnerit pillugit isumaqatigiissu-teqarnissaa naatsorsuutigineqarpoq.

Tallimangormat oqaluuserisassanut nassuiaateqarninni ilisi-matitsissutigaaara imm. 162-ip siullermeerneqarnissaa kinguar-tinneqassasoq. Tallimangormat qarasaasiakkut allakkatigut mailikkut ilaasortanut partiillu allaffeqarfiinut nalunaarutigi-neqartutut immikkoortup pineqartup siullermeerneqarfissaa nutaaq tassaassaaq tallimangorneq ulloq 2. oktober.

Tallimangormat ataatsimiinnerup naammassilernerani ilan-ngullugu ilisimatitsissutigivara imm. 16-ip siullermeerneqar-nissaa, ullumi pisussaagaluartoq, aamma kinguartinneqartaria-qartoq, ullumi ulloq ammaanersiorluni oqallinnerinnarmut

atorniassagatsigu. Tallimangormat qarasaasiakkut allakkati-  
gut ilaasortanut allaffeqarfinnullu nalunaarutigineqartutut im-  
mikkoortup siullermeerneqarfissaa nutaaq tassaassaaq pinga-  
sunngorneq ulloq 30. oktober.

**Ilaasortat uku akornanni taasisarnerit pillugit isumaqati-  
giissuteqartoqarsimavoq:**

Justus Hansen, Demokraatit aamma Mimi Karlsen, Inuit Ata-  
qatigiit

Tillie Martinussen, Demokraatit aamma Juliane Henningsen,  
Inuit Ataqtigiit, kiisalu

Naaja Nathanielsen, Inuit Ataqtigiit aamma Jess Svane, Siu-  
mut ullumi ataatsimiinneq eqqarsaatigalugu

Taamatuttaa Anthon Frederiksen nalunaarpoq ullumi ataatsi-  
miinnerup aallartinnerani pissutissaqavilluni najuussinnaanani.